



Tarnikkut atugarlioneq aammalu imminut toqunnissamut ernumanartoqarneq akiorniarlugit innuttaasut tarnikkut ikiueqqaarsinnaanissamut pikkorissarfissaannik periarfissiisoqarnissaanut suliniutissatut pilersaarutiniq Naalakkersuisut suliaqarnissaat pillugu Inatsisartut aalajangiiffigisassaattut siunnersut. Sammisami attuumassuteqartut, uanilu immikkut piffinni ingerlatsisut kommuunillu suleqatigineqarnissaat Naalakkersuisunit annertuumik anguniarneqassaaq. Periusissiatut pilersaarutit kingusinnerpaamik 1. juni 2023 piareereersimassapput.

(Inatsisartunut ilaasortaq Anna Wangenheim, Demokraatit)

(Siullermeerneqarnera)

Demokraatit Inatsisartunut ilaasortaataannut Anna Wangenheim-imut siunnersuummut kusanartumut silatusaartumullu qujanaq.

Ajoraluartumik takusarparput, maani nunatsinni tanikkut atugarlioneq annertooujussuusoq. Taassuma takutippaa imminut toquttartut amerlanerujussuisa. Tamanna alianarpoq nammaneqarsinnaanilu. Tamavitta ataqatigiittariaqarpugut ikioqatigiillutalu ajunnginnerulernissatsinnut, imminut toquttarnerit apparniassammata.

Amerlasuutigut suliniartoqartariaqarpoq, qujanartumilli isikkoqarpoq, maani Inatsisartuni innuttaasullu akornanni piumassuseqartoqartoq taassuma allangortinnissaanut. Mianersuutigissavarpulli, eqqarsaataannarsussannginnatta. Suliniutit, innuttaasunut apuunnissaat pingaartuuvoq.

Siunnersuut una Anna Wangenheim-imeersoq assersuutissatsialaavoq, qanoq iliuseqarsinnaanersugut aammalu tarnikkut atugarlioneq imminullu toquttarnerup pinaveersaartinnissaanut. Isumassarsiatsialaavoq innuttaasut tarnikkut ikiueqqaarnermut illoqarfinni pikkorissarnissaannik periarfissiinissaq tarnikkut atugarlioneq imminullu toqunnissamik eqqarsartunut pinaveersaartitsinissaq siunertaralugu.

Demokraatit nuannaarutigaaq, Naalakkersuisut tassunga isumaqataammata. Taamatullu neriutigaarput Inatsisartuni partiit tamarmik tapersiinissaat Anna Wangenheim-ip siunnersuutaanut pitsaasumut.

Siunnersuut akuereqqullugu innersuunneqarpoq Ilaqutariinnermut- Peqqissutsimullu ataatsimiititaliami suliareqqinneqarnissaa innersuussutigalugu.